

Na osnovu člana 55. Zakona o građevinskom zemljištu Federacije BiH «Službene novine Federacije BiH», broj 67/05) i člana 25. Statuta općine Zavidovići («Službeni glasnik općine Zavidovići», broj 5/05 i 5/a/05), Općinsko vijeće Zavidovići na 13.sjednici održanoj 08.08.2009. godine, donijelo je

ODLUKU

o ustanovljenju prava stvarne služnosti

Član 1.

Ustanovljava se pravo stvarne služnosti prokopavanja kanala radi postavljanja i održavanja kanalizacionih cijevi na gradskom građevinskom zemljištu označenom sa k.č. 116 zv. "Podklečje" voćnjak 3. klase pov. 2998 m², upisana u P.L. 72 k.o. Potkleče kao DRSV Komunalno preduzeće "Radnik", čiji je pravni sljednik JKP "Radnik" d.o.o. Zavidovići i k.č. 498/2 "Groblje" kuća-zgrada pov. 206 m², dvorište pov. 694 m², upisana u P.L. 496 k.o. Potkleče kao DRSV MZ "Braće Kosorića" čiji je pravni sljednik MZ "Klek" Zavidovići.

Član 2.

Pravo služnosti iz člana 1. ove odluke ustanovljava se u korist općine Zavidovići, a u svrhu izgradnje fekalne kanalizacione mreže "Šahmanovac-Grabe-Nadgajevi-Prekulje-Kućište-Vinogradi" u MZ "Klek".

Član 3.

Pravo služnosti prokopavanja kanala radi postavljanja i održavanja kanalizacionih cijevi na parceli označenoj sa k.č. 116 ustanovljava se na dijelu parcele gdje međna linija između k.č. 116 i k.č. 110 izlazi na granicu sa k.č. 109 k.o. Potklečje, pravcem jugoistok-sjeverozapad u dužini od 5 m, a na parceli označenoj s k.č. 498/2 jugoistočnom granicom k.č. 498/2 sa javnim putem označenim sa k.č. 498/1 k.o. Potklečje, pravcem jugozapad-sjeveroistok u dužini od 45 m, kako je sve to i iskazano na kopijama katastarskih planova koje čine sastavni dio ove odluke.

Član 4.

Ova odluka stupa na snagu danom objavljivanja u "Službenom glasniku općine Zavidovići".

OPĆINA ZAVIDOVIĆI
OPĆINSKO VIJEĆE

Broj: 01-31-3320/09
Datum: 08.08.2009.godine

PREDSJEDAVALJUĆI
OPĆINSKOG VIJEĆA

ing. Radosav Petrović